

BENGKEL SENI NASYID LABUAN: MELAHIRKAN JURU LATIH KREATIF DAN BERDAYA SAING



Labuan, 10 Februari 2026 – Seramai 35 orang guru Pendidikan Islam sekolah rendah dan menengah Wilayah Persekutuan Labuan telah menyertai Bengkel Seni Nasyid yang berlangsung di Pusat Kokurikulum Negeri.

Bengkel ini telah dibimbing oleh ustaz Mohd Fitri bin Mohamad, Guru Pendidikan Islam dari Sekolah Kebangsaan Felda Chuping, Perlis yang juga merupakan jurulatih kumpulan Khairan dan Ketua Jurulatih Utama Nasyid Negeri Perlis. Beliau pernah dianugerahkan komposer terbaik lagu dan lirik dalam Festival Khat Nasyid Sekolah-sekolah Kementerian Pendidikan Peringkat Kebangsaan (FKNSS) tahun 2008, 2012 dan 2013.

Sepanjang bengkel, para peserta telah didedahkan dengan

empat slot utama iaitu suara, lagu, lirik dan simulasi yang menyentuh kepakaran dalam seni nasyid merangkumi aspek vokal, melodi, penulisan lirik dan penggunaan perkusi.

Penganjuran bengkel ini bertujuan memperkukuh kemahiran guru sebagai jurulatih sekolah dalam membimbing murid, sekali gus meningkatkan mutu persembahan nasyid di peringkat negeri dan kebangsaan.

Melalui bengkel ini, diharapkan para jurulatih dapat melahirkan murid yang lebih kreatif, berkeyakinan dan berdaya saing, selain menyemarakkan kecintaan terhadap seni nasyid sebagai medium dakwah dan pendidikan.

Seni nasyid bukan sahaja salah satu aktiviti kokurikulum di sekolah, malah menjadi wadah pembentukan sahsiah murid selaras dengan nilai Karamah Insaniah, Adab dan Nilai yang digariskan dalam Rancangan Pendidikan Malaysia 2026–2035.

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)

[#tahuninitahunkita](#)









